



**Det er ikkje berre Fred Olsen som sender dei velvaksne cruisebåtane sine gjennom Storsund denne sesongen.  
Også det vesle, men eksklusive skipet Hebridean Ekspress har passert oss.  
Det skjedde seinast ved middagstider fredag og då var båten på veg innover (biletet over).**

Det står å lesa i leksika at båten, som har basen sin i Oban på vestkysten i Skottland, har plass til berre 49 gjester i 30 lugarar.

Denne sesongen seiler han ikkje berre rundt i skotske farvatn samt mellom øygruppene i nord, men er også innom Noreg og vestkysten av Irland under rundturar som varar mellom fire og åtte dagar.

Det står i skrytebrosjyra at båten er kjend for sin spesielle service, gode mat og vin og sitt vennlege mannskap. No har båten sigla i 19 sesongar.

Og som ei stadfesting av at Storsund er ein attraktiv siglingsled. passerte ei ikkje identifisert yacht ved 16-tida og vart fotografert av Knut A. Myklebust (under).  
Er det nokon som kjenner den?

(Av Ola Matti Mathisen)

